

Lepasan sekolah pondok ternak 35,000 ikan air tawar

UM 23/06/23 M/S 31

Oleh OTHMAN YAHAYA
utusannews@mediamulia.com.my

SUNGAI PETANI: Tidak mengikuti kursus penternakan bukan alasan seorang remaja lepasan sekolah pondok berjinak-jinak menjadi pengusaha ternakan ikan air tawar demi mencari pendapatan sendiri untuk kelangsungan hidup.

Menjadikan sebuah kolam terbiar di sebuah kuari di Semeling, Bedong, usaha Mohamad Shukran Husaini Abdullah, 19, mula menampakkan hasil apabila 35,000 ekor ikan patin, tilapia dan kap yang ditenaknya hampir lapan bulan lalu kini dalam proses untuk dijual.

“Saya sebenarnya langsung tidak mempunyai pengetahuan berkaitan ternakan, namun, berani melibatkan diri menjadi penternak ikan dengan hanya berbekalkan keyakinan untuk menceburi bidang itu.

“Saya juga beruntung kerana keluarga memberi galakan dan semangat sebaik memaklumkan hasrat menjana pendapatan untuk diri sendiri dan pada masa sama dapat membantu keluarga,” katanya ketika ditemui *Utusan Malaysia*, semalam.



MOHAMAD Shukran Husaini Abdullah memberi makan ikan ternakannya di sebuah kuari terbiar di Semeling, Bedong di Sungai Petani.

Menurut Mohamad Shukran, pada mulanya dia menghadapi kesukaran kerana tiada tempat untuk dijadikan kolam ternakan

selain memerlukan modal yang tinggi untuk membeli benih tiga jenis ikan berkenaan.

“Namun, dengan bantuan

bapa yang mengenali pemilik kuari tanah itu, kolam bersaiz hampir dua padang bola itu akhirnya disewakan,” katanya.